



Publicaziuns officialas dils 07-08-2020

Damonda da baghegiar

Nr. 109/2020

Datum da publicaziun: 07-08-2020
Patrun: Neuschütz Dieter, 9242 Oberuzwil
Representant: Biro d'inschignier Deplazes, 7173 Surrein
Liug e parcelas: Clavadi; 2694
Object: construcziun d'ina garascha

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 104/2020

Giuliana Gienal ed Erwin Gienal, 7175 Sumvitg; sanaziun fatschadas dil baghetg nr. 17 sin parcella nr. 1613 a Sumvitg-Via Sursilvana.

Nr. 107/2020

Ovra Rein Anterior SA, 7162 Tavanasa; sanaziun dil tetg dil baghetg nr. 406 sin parcella nr. 5050 a Surrein-Runcahez.

Sumvitg, 07-08-2020

Cumissiun da baghegiar

Scamond d'encurir bulius

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis personas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 07-08-2020

Suprastonza communal Sumvitg

Corrigenda

Via Val – Lavurs el tunnel dils Barschaus

La jamna dils 12 entochen ils 16 d'october 2020 vegn l'illuminaziun dil tunnel dils Barschaus remplazzada. Ord quei motiv resta il tunnel serraus per tut il traffic naven dils **12 entochen ils 16 d'october 2020 naven da mintgamai las 07.00 – 18.00 uras. Sur miezdi vegn il tunnel aviarts per mintgamai 30 minutas.**

Nus supplichein per enconuschientscha e capientscha.

Sumvitg, 31-07-2020

Departament traffic

Invitaziun

Alla 58-avla radunonza generala da Sumvitg Turissem, venderdis, ils 28 d'uost allas 20.00 uras ell'ustria Placi Pign a Surrein

Gliesta da tractandas

1. Beinvegner
2. Elecziun d'in dumbrausch
3. Approbaziun dil protocol 2019
4. Rendaquen 2019
5. Rapport dils revisurs
6. Approbaziun dil quen 2019
7. Preventiv 2020
8. Rapport dil president
9. Mutaziuns da commembers (as)
10. Elecziuns: 1 commember dalla suprastanza (elecziun)
 1 commember dalla suprastanza (reelecziun)
11. Orientaziuns
12. Varia

Bugen sperein nus ch'in numerus diember da commembras e commembers (era novizs ein beinvegner) resalvien quella sera en favur dil turissem.

Dil protocol dalla davosa radunonza generala sa vegnir priu investa tiel biro da Sumvitg Turissem durant las uras da spurtegl ni sut www.sumvitg-turissem.ch

Sumvitg Turissem

Kulturführungen

Leben im Berggebiet in S. Benedetg, oberhalb von Sumvitg, Samstag, 8. August 2020, 10 bis 11.30 Uhr. Detailinformationen und Anmeldung: Vitus Bass, Tel. 079 459 57 83, E-Mail: vitus.bass@gmx.ch

Entschatta digl onn da scola 2020/21

Scolaret/-tas e scolar/-as primar/-as

La casa da scola Rabius entscheiva igl onn da scola cun in survetsch divin dil plaid che ha liug **gliendisdis, ils 17-8-2020** allas 8.30 ella halla da gimnastica. Muort la situaziun actuala astgan mo ils geniturs dils affons da scoletta e dalla 1. classa prender part. Silsunter seradunan tuttas scolaras e tuts scolars tier lur persuna d'instrucziun da classa. Ils geniturs dils affons da scoletta e dalla 1. classa astgan accumpignar lur affons en stanza e restar entochen la pausa. L'instrucziun ha liug tenor il temps d'urari ed ils transports curseschan tenor igl urari publicau sin nossa pagina d'internet www.scolasumvitgtrun.ch. Nus giavischein allas scolaras ed als scolars ina bun'entschatta dil niev onn da scola. *Consorti da scola Sumvitg-Trun*

Scolar/-as superiur/-as

La casa da scola Trun entscheiva igl onn da scola cun in survetsch divin dil plaid che ha liug **gliendisdis, ils 17-8-2020** allas 8.15 el Center communal. Muort la situaziun actuala astgan mo ils geniturs dils affons da scoletta e dalla 1. classa prender part. Silsunter seradunan tuttas scolaras e tuts scolars tier lur persuna d'instrucziun da classa. L'instrucziun ha liug tenor il temps d'urari ed ils transports curseschan tenor igl urari publicau sin nossa pagina d'internet www.scolasumvitgtrun.ch. Nus giavischein allas scolaras ed als scolars ina bun'entschatta dil niev onn da scola. *Consorti da scola Sumvitg-Trun*